

## SHARP7 Didik Bahaya Dadah Terhadap Masyarakat dan Negara

Terakhir dikemaskini: Selasa, 16 Oktober 2018 16:20 | [Cetak](#) | Jumlah paparan: 154

Kongsi 0

Syorkan 0

Kongsi

Tweet

Share



**SELASA, 16 OKTOBER** - Timbalan Menteri Dalam Negeri, Datuk Mohd Azis Jamman menyeru agar semua pihak sentiasa berganding bahu menangani masalah penyalahgunaan dadah.

“Penguatkuasaan undang-undang semata-mata tidak mampu mengawal situasi ini, perang ke atas penagihan dadah ini baik dari sudut pencegahan, rawatan dan pemulihan perlu mempunyai kesinambungan dan skala yang lebih besar,” katanya.

Beliau berkata, bukan setakat itu sahaja, sebaliknya ia harus

diperhebat dan diperkasakan lagi.

“Kita telah dikurniakan akal dan lidah yang membolehkan kita menyusun kata, merungkai makna, mengungkap pandangan dan menzahirkan pendapat, maka gunakanlah nikmat tersebut untuk membentuk perjuangan ini untuk memastikan isu ini dapat dituntas sehingga ke akar umbi,” tambahnya.

Beliau berkata demikian sempena majlis perasmian Seminar Interaktif Peringkat Kebangsaan 2018 (SHARP7) anjuran Fakulti Psikologi dan Pendidikan (FPP), Universiti Malaysia Sabah (UMS) dengan kerjasama Agensi Anti Dadah Kebangsaan (AADK).

Teks ucapan beliau dibacakan oleh Timbalan Ketua Pengarah (Operasi) AADK, Dato’ Izhar Abu Talib.

Datuk Azis turut menyarankan AADK dan UMS berkolaborasi merangka satu pendekatan untuk menggerakkan seluruh alumni *Speciality Program in Alcohol and Drug Abuse (SPADA)* khususnya di Sabah bagi membantu di dalam gerakan gelombang pendidikan pencegahan dan rawatan pemulihan.

“Ini bagi membolehkan kemahiran mereka sebagai seorang pakar kaunseling penyalahgunaan dadah tidak sia-sia begitu sahaja,” katanya lagi.

Terdahulu, Naib Canselor UMS, Prof. Datuk Dr. D Kamarudin D Mudin dalam ucapannya berkata, seminar yang digerakkan SPADA UMS itu berhasrat menjadi pencetus pentas percambahan ilmu seiring dengan hasrat kerajaan dalam membasmi penyalahgunaan dadah secara holistik.

“Penganjuran SHARP7 pada tahun ini bertujuan untuk terus mempergiatkan segala mekanisme, usaha dan strategi bagi memastikan isu penyalahgunaan dadah ini dapat ditangani secara inklusif dan komprehensif.

“Selain itu, kefahaman yang diperoleh dari seminar ini bukan sekadar diperlihatkan di atas sijil penyertaan semata-mata tetapi seharusnya dikembangkan kepada seluruh masyarakat yang berada di luar sana,” katanya dalam teks ucapan yang disampaikan Dekan FPP, Prof. Madya Dr. Mohd Dahlan Hj. A. Malek.

Bertempat di Dewan Resital UMS, seminar itu disertai 450 peserta melibatkan penjawat awam dan pelajar UMS.

Hadir sama Pengarah UMS Kampus Antabangsa Labuan, Prof. Madya Dr. Murnizam Hj. Halik dan Pengarah SHARP7 2018, Majer Ismail Merah.